



唐樊國公集二十五卷

唐樊國公集  
二十五卷

蓋吳元季手自抄錄以備一覽者也初以  
勝國兵燹之變遺書散逸僅存其集於救  
簾中猶多魚魯復輟耕力以正之遂為完  
物亟欲梓之而力不果吾後世子孫有能  
新之以續有唐之文獻者乎唐去今千餘  
季其相業隨世消長而文獻存然則世之

所恃以為不朽計者文焉爾雖與天壤俱  
救可也樊公之文豈曰雕龍如劉勰者為  
哉若夫公之淳德茂烈曲江公志文盡之  
矣予何言哉特書此以識歲月云爾時  
永樂七年夏六月廿又四日濠上真隱老  
人伍德記

嘉靖丁酉冬十月朔日縣郡伍氏龍池草堂家藏本校刊

張說之文集目錄

第一卷

詩賦

喜雨賦二首

白鳥賦并批卷

虞室賦

宴居賦

愁心賦

畏途賦

長安應制五首





景龍應制

奉和春宮

奉和驪山

山莊二首

送公主

先天應制

春日出苑

墨令答贊四言

第二卷

雜詩

喜雪二首

喜雨二首

遊興慶宮二首

拔河

寒食

過大哥宅

過寧主宅

山池二首

石橋銘

題石壁



座右

奉和刺史

賜崔日知

餞王峻

送宇文融

酌宴

春晚

花萼樓宴

端午宴

千秋節宴

賜王公千秋鏡

賜群臣鏡

第三卷

雜詩

言志

巡省

過晉陽宮

早渡

應制

逢寒食

經華嶽

潼關口號

過王濬墓

河上公廟

途次陝州

行次成皋

祭孔子

喜雪

對雪

溫泉

校獵

幸鳳泉

扈從溫泉

羽林

太尉碑

侍射

第四卷

雜詩

雀鼠谷并奉和十首

巡邊



赴朔方

奉和巡邊 十七首

送學士

燕序 十五首

命宴東堂

御製三傑和 六首

奉酒 三首

御製遊園和 八首

第五卷

雜詩

東都醜宴 五首

詔宴 六首

藥園宴

鳳樓尋勝

誕日賜宴

恩制賜食

詔餞刺史

勅宴

夕宴

岳州宴

夜飲

觀妓

同宿

園亭

城南亭

對鴈行

清夜酌

醉中作

第六卷

雜詩

送趙二尚書

送郭大夫

送鄭大夫

送李侍郎

送趙順真

送崔長史

送交公

送高唐州

送蘇頲

送王峻



送岑廣武

送喬安邑

送任御史

送侍郎

送李問政

送薛

送宋休遠

送梁知微

別平一師

送武員外

送尹補闕

送王光庭

南亭

別判官

別王熊

荅張岳州

別王十一

別燕公

別梁六入朝

送梁六

宴餞

送使

別王陵

別六卿楊

別高六戩

別蔣五問

別陳七

送北使

第七卷

雜詩

贈崔公

贈御史判官

贈高六戩

贈廣平公

贈趙公

奉答燕公

贈趙侍御

歸田和一首

葛巾

驪山別業



北溪和四首

酌常祭酒

述懷

桐竹

和魏僕射

和張監

和朱使

早春

乾湖

望歸舟

偃松篇

城南宴

出湖

代書 三首

寄司馬道士

寄劉道士

書香能和尚塔

第八卷

律詩

被使在蜀

正朝摘梅

蜀道後期

過蜀道山

再使蜀道

深渡驛

古泉驛

下江南向蔓州

江路憶郡

廣州江中作

江中講經

江中遇黃領子劉隆

却歸在道中作

還至端州驛前與高六別處

喜渡嶺

過漢南城嘆古墳

至尉氏

襄州景空寺題龕上人蘭若

四月一日過江赴荊州

襄陽路逢寒食

巡邊河北作二首



入海二首

清遠江峽山寺

相州冬日早衙

相州比亭

相州山池作

岳州作二首

岳州行郡竹籬

陪燕公行郡竹籬

荊州亭入朝

岳州西城

岳州山城

奉和山城

遊洞庭洞相二首

岳州晚景

秋夜遊澗湖二首并序

同前六首

遊澗湖上寺

同前二首

汎洞庭

同前一首

澹湖山寺二首

早霽南樓奉和一首

奉倍登南樓

同前三首

別澹湖

奉和別澹舟

巴丘春作

石門墨山二山相連有洋堂觀天下絕境

遊龍山靜勝寺

一柱觀

登九里臺

懷王墓

庾信宅作

第九卷

雜詩

欽州守歲

岳州守歲三首

幽州新作

元朝

耗磨日飲



同前 二首

晦日

湘州九日城北亭子

九日陪登高

岳州九日宴道觀西閣

九日進茱萸山詩 五首

春雨早雷

聞雨 一首

夜坐

岳州夜坐

山夜聽鐘

冬日見牧牛人擔青草歸

岳州觀競渡

看黃葉

戲草樹

詠瓢

詠鏡

詠塵

道家

四首奉勅撰

雜詩

四首

蜀路二首

惠文太子挽歌詞二首

蕭譙公挽歌二首

右丞相挽歌詞二首

崔尚書挽詞

右常侍集賢院學士徐公挽歌二首

崔司業挽歌二首

李工部挽歌三首

贈工部尚書馮公挽歌三首

徐高卸挽歌

節繁太子楊妃挽歌二首

河上公

傷妓人董氏四首

第十卷

詩

鄴都引一首

五君詠五首

離會曲

安樂郡主花燭行

時樂鳥篇并序



開元樂章十九首奉勅撰

迎神永和之樂三章

皇帝行太和之樂一章

酌瓚登歌肅和之章

迎俎雍和之樂二章

酌獻用文舞一章

宣皇帝室光大之舞一章

光皇帝室長發之舞一章

景皇帝室大政之神一章

元皇帝室大成之舞一章

高祖神堯皇帝室大明之舞一章

太宗文武聖皇帝室崇德之舞一章

高宗天皇大帝室鈞天之舞一章

中宗孝和皇帝室大和之舞一章

睿宗大聖真皇帝室景雲之舞一章

皇帝受福酒胙福和之舞一章

送文舞迎武舞一章

亞終獻武舞凱歌之樂四章

撤豆登歌一章

送神一章

贈崔二安平公樂世詞一首

十五日夜 御前口號踏歌詞二首

蘇摩遮 五首

破陣樂詞二首

舞馬詞 六首

舞馬千秋萬歲樂府詞三首

第十一卷

頌

聖德頌

上黨舊宮述聖頌

答制

日抱戴頌

已下 潞州 祥瑞

月重輪頌

赤龍頌

逐鹿頌

嘉禾頌

黃龍頌

羊頭山北童謠頌

仙洞頌

大王山三疊頌



疑山鑿斷頌

赤鯉頌

黃龍再見頌

紫雲頌

李樹頌

神蒼頌

金橋頌

紫氣頌

大人跡頌

神人傳慶頌

開元正曆握乾符頌

第十二卷

頌

大唐祀封禪頌

隴右監校頌德碑

宋公遺愛碑頌

觀世音菩薩像頌

第十三卷

贊

蒲津橋贊

皇帝馬上射贊

孔子堂杜預贊

崔日知寫真贊

盧舍那像贊

般若心經贊

二法堂贊

三歸堂贊

善法堂贊

精思院天尊贊

座右銘

進筆硯架銘

煖硯銘

素盤盃銘

溫泉箴

別楊盈川烟箴

東山記

第十四卷

碑

刺史義陽王碑

祈國公碑



裴公神道碑

文貞公碑

第十五卷

表

請封太山表

請為千秋節表

請置屯田表

禮儀使賀祥瑞表

賀太陽不虧表

賀大衍曆表

第十六卷

碑銘

王公神道碑

安公碑銘

冉府君神道碑

華州楊君碑

馮府君神道碑

第十七卷

碑

都督郭君碑

王氏神道碑

撥川郡王碑

唐故高內詩碑

大周揚君碑

左果毅葛君碑

第十八卷

碑

廣州甄公碑

豫州魏君碑

刺史徐府君碑

鄭府君神道碑

陸公神道碑

第十九卷

碑銘

崔君神道碑

馬府君碑

貞節君碣

元公碣碑

平偃師碑尾

龍興寺碑



大通禪師碑

玄識闍黎廬碑

第二十卷

碑銘

刺史先府君碑

府君墓誌

元君石柱銘

元府君墓誌銘

學士張府君墓誌

處士張府君墓誌

第二十一卷

碑

和麗妃神道碑

鄔公主神道碑

薛氏神道碑

鄭夫人神道碑

穎川夫人碑

昭容上官氏碑銘

第二十二卷

墓誌

逍遙公墓誌

陸君墓誌

張府君墓誌

馮潘州墓誌

贈葛君墓誌

尹先生墓誌

呂君墓誌

徐氏子墓誌

尹舍人墓誌

崔訥妻劉氏墓誌

第二十三卷

雜著

弔陳司馬書

弔國傷文

赤帝壇祈雨文

祭城隍文

榮城門文

祭江祈晴文

賽江文

祭殷仲堪羊叔子文



祭霍山文

祭崔侍郎文

祭陸興州文

祭戰亡兵士文

祭石嶺陷士女文

為人作祭弟文

為人作祭舅文

祭和靜主文

為高力士祭父文

為妓人祭主文

第二十四卷

表

請不從靈駕表

奏慶山醴泉表

奏瑞禾杏表

賀岷山表

羊乳麀表

為留守奉嘉禾表

建安王奏失利

謝賜衣及藥表

為建安王讓表

為薛稷讓官表

為郭振讓官表

為僧辭公封表

第二十五卷

碑銘

盧思道碑

蕭公神道碑

楊君神道碑

馮公神道碑

元公碑

張說之文集目錄終

卷之二十五

二四



唐故開府儀同三司行尚書左丞相燕國公贈太師  
張公墓誌銘并序

曲江張九齡撰

大唐有天下百二十三年開元十有八載龍集庚  
午冬十二月戊申開府儀同三司行尚書左丞相燕  
國公薨于位享年六十四嗚呼哀哉皇帝悼焉素服  
舉哀廢朝三日乃下制贈太師蓋師傅之舊恩禮有  
加也詔葬先遠喪事有日又特賜御詞表章琬琰公  
義有忘身之勇忠為社稷之衛文武可憲之政公侯  
作杆之勲皆已昭昭於天文雖與日月爭光可矣公



講說范陽方城人晉司空杜武公之裔孫周通道館  
學士諱弋府君之曾孫慶州郡督諱恪府君之孫贈  
丹州刺史刑部尚書諱隲府君之季子自上世積慶  
及公而祥發神明所府道德為樞生以寧濟幼而休  
祥鷹揚虎視英偉磊落越在諸生之中已有絕雲霓  
之望矣初天后稱朝舉郡國賢良公時大知名該乎  
其萃者矣起家太子校書迄于左丞相官政四十有  
一而入臣之位極矣尚書國之理本公悉更之中書  
朝之樞密公丞掌之休聲與偕升降數四守正而見  
逐者一遇坎而左遷者二其餘揔戎于外為國作藩

所平除者惟幽并秉節鉞而已至若三登左右丞相  
三作中書今唐興已來朝佐莫比蓋聖賢之運有會  
師臣之道欲行人雖求多我每餘地馨香之發數聞  
自久宜其翊戴聖后師範百寮功烈過於如神德聲  
出於咸一此固與板築崛起屠釣作合之類亦不異  
也公志玄遠而性高亮未嘗自異節乃有立何所  
不可體道以為宗既定國於一言亦保身之雅其於  
經理世務軍國決事如流應物如響紛綸幅輳  
其猶指掌及夫先聖微旨稽古未傳缺文必補墜禮  
咸甄與經籍為笙簧於朝廷為粉澤固不可詳而載



也始公之從事實以懿文而風雅陵矣已數百年矣  
時多吏議擯落文人庸引雕蟲沮我勝氣丘明有耻  
子雲不為乃未知宗匠所作王霸盡在及公大用激  
昂後來天將以公為木鐸矣斯文豈喪而今也則亡  
嗚呼克生以輔時而臣道不究致用以利物而人將  
安仰上撫床以念徃下輟相而哀至復見之於公焉  
太常議行謚曰文貞二十年秋八月甲申遷窆於萬  
安山之陽燕國夫人元氏祔焉夫人故尚書右丞相  
武陵公懷慎之女也勤為柔範皆可師訓及公之貴  
連姻帝室雖處榮盛若非在已內執謙下外睦親疎

古之賢明未始兼有開元十九年三月壬戌薨于東  
都康俗里第享年六十四長子均中書舍人次曰均  
駙馬都尉衛尉卿季曰椒符寶郎泣血在疚皆我之  
有後也嗚呼玄堂永閔何事春秋幽篆斯在亦云不  
朽而已銘曰

天有密命滋液百寶時無大賢誰與明道我公允叶  
我德孔昭翰飛戾天羽儀清朝功遂身謝名由實美  
言而有立古無不死南山之下認葬于茲後之與歸  
誰我太師



張說之文集卷第一

詩賦

喜雨賦 二

白鳥賦 并序

虛室賦

宴居賦

愁心賦

畏途賦

長安應制 五言 景龍應制

奉和春宮

奉和驪山 二言 山莊 二言

送公主

先天應制 春日出苑

墨令答贊 四言

喜雨賦

仰重華之齊政步文命而彝倫何天道之云遠亦明  
徵而在人迄中夏而自春遘愆陽而為亢雲重結而



復解雨繞滴而還障山祠植珪而不荅田畝倚耒而  
怙趨帳京兆來奏音官撰曲將土龍而矯首請神巫  
而頓足彼有憑而可舉予 抑而未許恐歲凶之及  
人寧天譴於我身爾乃潔齋壇墀五精是祠暴立炎  
赫三日為期上帝臨我衷誠不欺重泉蒸潤觸石吐  
滋平雲黯而鋪幕密雨森其散絲無雷無電不震不  
眩匪疾匪徐乍合乍踈汎草泊樹垂珠點露過闌入  
樓含煙雜霧或噴薄而攢集或淋漓而灌注亂積水  
之圓文拂微風之斜度寰海浹而康樂呶呶欣而相  
顧絲管合兮夜將曉芙蓉開兮日未暮原夫雨之為  
德也無小大之異情無高卑之不平無華朽之偏潤  
無薰臭之隔榮喜夫雨之今應也赴一言而不捨經  
累晨而廣鴻納情陰之浮涼混和氣而飄灑感作霖  
於殷命諷其霧於周雅家尚知乎禮節國有望於豐  
霸小陽臺之神人却大宛之走馬體雲行而雨施吾  
何事乎天下

喜雨賦

叟臣啓先王之冊府校絕瑞於祥經樂雲雨之平施  
齊品物之流形帝皇益重而為寶麟鳳自輕而讓靈  
况愆時而渴望欲意達而神聽是月也未明漸半紫



油未吐恐降災兮此下人罄虔祈兮我人主退象龍  
之禮傳斥持鷺之貌舞屏翳慙其廢職祝融悔其遷  
怒天決漭而出雲地霧靈而下雨速一言而感應尅  
二日而周溥氣蒼蒼以駢鷓黠音聲颺灑以蕭條摧  
如銀漢之屑落璫以珠泉而噴澆街鄧漫其潢潦臯  
壤萋其綠苗舒四溟之清潤卷六合之煩囂咸澡骨  
於神液共歡心於聖朝借如五月有梅雨之名三春  
有穀雨之氣越人泥牛待沃胡士賣土龍求費出負  
嶠以石香入成都之酒味彼偏方以小節非大人  
之所貴復有送山祇於鬱島迎海若於葛川疾雷辟  
其山裂走電擘其海燃天子作愁霖之賦詞人綴苦  
雨之篇墻屋壞於倒井黍稷流於下田乃凶浸之不  
令曷休徵之焉請言瑞雨之可喜也協氣交泰嘉生  
是賴湛覃而不溺衍溢而不害東漸出日之表西被  
無雷之外南窮火鼠之譯北盡燭龍之會天文則雲  
漢昭回玉澤則江河滂沛雖欲譚天而窺管孰知堯  
德之為大

進白鳥賦 并批答

咨大鈞之播氣在品物而流形有莫黑之凡族亦變  
白而效靈感上仁於孝道合中瑞於祥經若夫事出



神妙理包舒卷既集王屋飛隨帝輦捧日高翥迎風  
細轉識句句於召呼每啞啞於啄吮以其靈羽霜毛  
冰精玉狀技奇綠林之下賞異紫臺之上瞰鳩鵲之  
妙總抱鳳凰之衣拊恐同類之見嫉畏不才之速謗  
頽悉命於握恩豈顧私於閑放維聖君之靈囿物何  
遠而不臻有能言而可重或善舞而取珍羞陋軀而  
入獻與寶羽不為隣探朝噪之聲樂眷夜啼之曲新  
無芒距以耀武不鈎觜以懷仁謝先容而特達却假  
飾以全真鑒深心於反哺移報德於君親

墨詔批卷

得所進白鳥符彩明媚助日揚輝白羽翩翩凌霜比  
色况乎反哺斯重能仁是高對之有懽情不能已又  
覽所進放言體物詞藻瀏亮尋繹研味把翫無厭所  
謂文苑菁華詞場警策也今賞卿金五挺銀十挺

虛室賦

明月窓前古樹簷邊無北堂之樽酒絕南隣之管絃  
理涉虛趣心階靜綠室惟生白人則思玄馱百慮之  
勞止歸一途之亢然嗟乎巧智者亂禮樂增矯名起  
異端利成貪兆役二見之交戰驅五神而雜擗形何  
費而不衰性何煩而不天每竭源而追末必忘多而



獲少玉悵瓊官尚奢務豐朱門金穴恃滿矜隆榮與  
辱而俱盛事隨憂而不窮陷營為之桎梏留徒羨之  
池籠心元是幻法本皆空莫不因無證實假異生同  
魚何知而樂水蛇何意而憐風大哉默識守此玄通  
顧瞻天下還如夢中

宴居賦 并序

吏部侍郎魏

仁歸

張校書作虛室賦以示予文旨清峻玄義深遠予味  
之有感聊為宴居賦以和之其詞曰

氣序忽諸日月其除夏盡炎歇秋至涼初地僻而入  
物自少庭閑而室宇成虛寂爾無晤蕭然宴居覽聖  
賢於上古窺得失於前書或智而不足或愚而有餘  
諒千變而萬化嗟難得而俗疏若夫名因行立宦由  
才致官要則謗議斯起譽高必詭毀俱至所以君子  
逃名達人避位養性以安其體摘文以見其志且貴  
不如賤善亦同惡貴則但益憂勞善乃未離貪著徒  
憐顛覆之禍虛纏受怨之縛前事既志後事安託儻  
來未足有慰或去可以無作固當絕於可否抑無勞  
於酬酢聞寵詎驚其心居陋寧改其樂蓋左氏稱德  
所貴先慈孔門之道一以貫之於常則允出茲在茲



屈伸委運行用隨時既無去無取亦何慮何思

江上愁心賦寄子岳州作

江上之峻山兮鬱音嶷嶷音嶷而不極雲為峯兮烟為色  
歛變態兮心不識江上之深林兮杳冥蒙而不已鳥  
為花兮猿為子紛盪瀆兮言莫擬復雲陰兮若山秋  
水平兮若天冬沙飛兮浙浙春草靡兮芊芊感四節  
之默運知萬化之潛遷伴衆鳥兮寒渚望孤帆兮日  
邊雖欲貫愁腸於巧筆紡離夢於哀絃是心也非模  
放之所逮將有言兮是然將無言兮是然

畏途賦

青泥路白馬関雲足躡霞手攀忠臣往兮孝子還陟  
羊腸臨鳥道搏絕岸接萋草懸梁孀娜以樹接虛穹  
崇而烟抱風雨滌汨兮崩泉而險湍圖畫詭屈兮紅  
峯而碧巒林黝黝而人靜山參參而地寒客有夢兮  
在城闕背芳萱兮心不歇憫秋草之墜露吊窮崖之  
飛月聞哀猿之一鳴憂人宿昔兮生白髮

長安應制詩五首起

侍宴三思山第 賦得風字韻

梁王池館好曉日鳳樓通竹町  
羅千衛蘭庭降兩宮清歌芳樹下  
妙舞落花中臣學筵中聽還如大國



風

侍宴袁荷亭

迴鑿青岳觀，帳殿紫烟峰。仙路迎三島，雲衢駐六龍。  
園林看花塔，壇墀識餘封。山外聞簫管，還如天上逢。

侍宴臨渭亭

青郊上巳豔，陽年紫禁皇。遊後渭川幸，得歡悞承湛。  
露心同草樹，自春天。

侍宴瀆水

千行發御柳，一葉下仙筇。青浦宣遊至，朱城佳氣濃。  
雲霞交暮色，草樹喜春容。謠詠天旗轉，清笳入九重。

桃花園馬上

林間艷色嬌，天馬覓襄穰。粧伴麗人頤，逐南風飛帝。  
席年年含笑，舞青春。

景龍應制 睿宗

侍宴隆慶池

靈池月蒲直，城隈黼帳天。臨御路開東，沼初陽疑吐。  
出南山曉翠，若浮來魚龍。百戲分容與，鳧鷖雙舟較。  
沂泗頤似金，隄青草馥長。承瑤水白雲盃。

奉和春日幸望春宮

別館芳菲上苑東，飛花澹蕩御筵紅。城臨渭水天河



靜闕對南山雨露通繞殿流鸞几幾樹當蹊亂蝶許  
多叢春園既醉心知樂共識皇恩造化同

奉和登驪山瞻眺

寒山上半空臨眺盡園中是日巡遊處晴光遠近同  
川明分渭水樹暗辨新豐宮壑清音暮天歌起大風  
應制登驪山寫眺

洞府寒山曲天遊日軒迴被雲看石鏡拂殿上金臺  
竹徑龍驂下松庭鶴轡來雙童還獻藥五色耀山才  
扈從幸常嗣立山莊二首

寒灰飛玉琯湯井駐金真既得方明相還尋大隗居

懸泉珠貫下列帳錦屏舒騎苑林逾密笳繁谷自虛  
門旗暫復蹬殿幕裏通渠舞鳳隨公主雕龍起婕妤  
地幽天賞洽酒樂御筵初菲才叨侍從連藻愧應徐

又

西京上相出扶陽東郊別業好池塘自非仁智符天  
賞安能日月共迴光

奉和送金城公主

應制

青海和親日潢星出降時戎王子聳寵漢國舅家慈  
春野開離讌雲天起別詞空彈馬上曲詎減鳳棲悲  
先天應制奉和同皇太子過荷恩寺二首



翼翼宸恩永煌煌福地開離光昇寶殿震吼繞香臺  
上界幡花合中天日月來願君無量壽仙藻屢徘徊  
朗朗神居峻軒軒瑞像威聖君成願果太子拂天衣  
至樂三靈會深仁四皓歸還聞渦水曲更繞白雲飛  
先天應令

奉和春日出苑

祭林艷喬發青陽春望逍遙出畫堂雨洗亭臯千畝

綠風吹梅李一園香鶴飛不去隨清管魚躍翻來入  
綉航眷賞懽承天保定適文更覩日重光

墨令答贊

四言

入相論道資孝為忠胡如明鏡穆若清風旣調飾鸞  
又擅雕龍有則有典是為文雄



張說之文集卷第二

雜詩

喜雪

二首

喜雨

二首

遊興慶宮

二首

拔河

寒食

過大哥宅

過寧主宅

山池

二首

石橋銘

題石壁

座石

奉和刺史

賜崔日知

餞王駿

送宇文融

醕宴

春晚

花萼樓宴

端午宴

千秋節宴

賜王公千秋鏡

賜群臣鏡



喜雪

御製

日觀卜先征將巡順物情風行未備禮雲密透飄翼  
委樹寒花發紫空落絮輕朝如玉已會庭似月猶明  
既觀膚先合還欣尺有盈登封何以報因此謝功成  
奉和喜雪應制一首

聖德與天同封巒欲報功詔書斯日下靈感應時通  
觸石雲呈瑞含花雪告豐積如沙照月散似麴從風  
舞集仙臺上歌流帝樂中遙知百神喜灑路待行宮  
同劉冕喜雨

節變寒初盡時和氣已春繁雲先合寸膏雨自依司  
颯颯飛平野霏霏靜暗塵懸知花葉意朝夕望中新  
應制和同劉冕喜雨

青氣合春雨知從岱嶽來行雲避師出灑雨待軍迴  
散灑塵清道空濛柳映臺最宜三五夜晴月九重開  
遊興慶宮作并序 御製

暇日與兄弟同遊興慶宮登勤政務本及華萼相輝  
之樓所以觀風俗而勸人崇友于而敦睦詩以言志  
歌以詠言情發於衷率題此什

代卽青門右離宮紫陌垂庭如過沛日水若渡江時  
綺觀連雞岫朱樓接鴈池從來敦棣萼今此茂荆枝



萬葉傳余慶千年志不移  
凭軒聊屬目輕輦共追隨  
務本方崇訓相輝保羽儀  
時康俗易漸德薄政難施  
鼓吹迎飛蓋絃歌送羽卮  
所希覃率土孝悌一同規  
奉和暇日遊興慶宮作 應制

漢武橫分日周王宴鎬年  
何如造區夏復此睦親賢  
巢鳳新成閣飛龍舊躍泉  
棣華歌尚在桐葉戲仍傳  
禁禦氛埃隔平臺景物連  
聖慈良有裕王道固無偏  
問俗兆人阜觀風五教宣  
獻圖開益地張樂奏鈞天  
待酌衢樽蒲詢芻諫鼓懸  
詠言彤支愛萬國共周旋  
觀拔河俗傳此戲必致年  
豐故命北軍以求

歲稔 御製

壯徒恒賈勇技拒抵長河  
欲練英雄志須明勝負多  
謠齊山岌葉氣作水騰波  
預期年歲稔先此樂時和  
奉和觀拔河 應製

今歲好拖鈎橫街敞御橫  
長繩繫日住貫索挽河流  
鬪力頻催鼓爭都更上籌  
春來百種戲天意在宜秋  
奉和寒食作 應製

寒食春過半花濃鳥復嬌  
從來禁火日會接清明朝  
閉敵雞殊勝爭毬馬絕調  
晴空數雲點香榭百風搖  
改木迎新燧封田表舊燒  
皇情愛嘉節傳曲與蕭韶



過大哥宅探得歌字韻 御製

魯衛情先重親賢愛轉多  
冕旒豐暇日乘景暫經過  
戚里申高宴平臺奏雅歌  
復尋為善樂方驗保山河  
奉和過寧主宅 應製

進酒忘憂觀簫韶喜降尋  
帝堯敦族禮王季友兄心  
竹苑龍鳴笛梧宮鳳繞林  
大風將小雅一字盡千金

同王真公主過大哥山池 御製

澄潭皎鏡石崖鬼萬壑千  
岩暗綠苔林亭自有幽真  
趣况復秋深爽氣來

地有招賢處人傳樂善名  
鷺池臨九遠龍岫對重城

桂月先秋冷蘋風向晚清  
鳳樓遙可見髮髻玉簫聲

石橋銘 四言

梁園勝躅碣館佳遊苔深石暗  
山斜路幽橋非七夕  
節是三秋爰停弄杼共此滄留

奉和同王真公主遊大哥山池題石壁 二言

池如明鏡月華開山裏香爐雲氣來  
神藻飛為鶴鳴  
賦仙聲颺出鳳凰臺

綠竹初成苑丹沙欲化金乘龍與驟鳳  
歌吹滿山林  
爽氣凝情迥寒光映浦深  
忘憂題此觀為樂賞同心

石橋銘 四言



玉梁架迥碧沼涵空石邊海上鏤鍛河中橫漢飛鵲  
覩天施虹仙聖來徃風雲路通

賜諸州刺史以題座右

眷言思共理鑑寢想惟良荷歟此推擇聲績著閭行  
賢能既俟進黎獻實行康視人當如子愛人亦如傷  
講學試誦論阡陌勸耕桑虛譽不可飾清知不可忘  
求名迹易見安真德自彰獄訟必以情教民貴有常  
恤惇且存老撫弱復緩強勗哉各祇命知予眷萬方

奉和賜諸州刺史 應制

文明遍禹跡鰥寡達堯心正在親人守能令玉澤深

朝廷多秀士鎔鍊比精金犀節同分命熊軒各外臨  
聖主賦新詩令若聽重琴先言教為本次言則是欽  
三時農不奪午夜大無侵願使天宇內品物遂浮沉  
寄情群飛鸚千里一揚音共躡華胥夢龍養黃安足尋

賜崔日知往潞州 一首 御製

潞國開新府壺關寵舊臨妙旌循吏德特悅庶民心  
禮樂中朝貴仁明列郡欽揚風非贈扇易俗是張琴  
蕃鎮謳謠洽行宮雨露深會書丞相策先賜顯川金

奉和賜崔日知 應制

聖情留曩鎮佳氣翊興王增戟雒都府高車轉太常



川橫八諫閣山帶五龍長連帥初恩命天人舊紀綱  
餞塗飛御藻闔竟自生光明主徵循吏何年下鳳凰

餞王峻巡邊

御製

振武威荒服揚文肅遠墟金壇申將禮玉節授軍符  
冠冑三方外銜刀萬里餘昔時吳會靜今日虜庭虛  
分閫仍惟轂援桴且訓車風揚旌旆遠雨洗甲兵初  
坐見台堦謚行聞袂袂除檄來雖插羽箭去亦飛書  
丹檄功斯著鹽梅望匪疎不應陳七德欲使化先敷  
奉和送王峻巡邊 應制

六月歌周雅三邊詭夏燭欲施攻戰法先作簡稽行

禮樂知謀帥春秋識用兵一勞堪定國萬里即長城  
策有和戎利威傳破虜名軍前雨灑道樓上月臨營  
別藻瑤華降同衣錦礫榮關山由義近戈甲為恩輕  
絲竹路傍散風雲馬上生朝廷謂吉甫邦國望君平

奉和送宇文融安輯戶口

應制

至德臨天下勞情遍九圍念茲人去本蓬轉將何依  
外避征戍數內傷親黨稀嗟不逢明盛胡能照隱微  
相臺簡行李蘭殿錫朝衣別曲動秋風恩令生春輝  
使出西海安詔下萬心歸忤無變龍佐徒歌馮鴈飛

御製春中興慶宮酌宴

一首并序



夫抱器懷才含仁蘊德可以坐而論道者我於是乎  
闢重門以納之作扞四方折衝萬里可運籌帷幄者  
我於是乎懸重祿以待之是故外無金革之虞朝有  
縉紳之盛所以巖廊多暇垂拱無為不言而海外知  
歸不教而寰中自肅元亨之道其在茲乎况乎天地  
交而萬物通陰陽和而四時序所寶者粟所貴者賢  
故以宵旰為懷黎元在念盡力溝洫不知宮室之已  
卑致敬鬼神不知飲食之斯薄往以仲冬建子南至  
初陽爰詔司存式陳郊祀挹夷夏之誠請答人神之  
厚睭烟歸太一禮備上玄以申昭報之情足以極巖

禋之道然心融萬類歸雷雨之先春慶洽百察象雲  
天而高宴歲二月地三秦水沉沉而龍池滿日遲遲  
而鳳樓曙清門左右軒庭映梅柳之春紫陌東西奕  
幕動烟霞之色撞鍾伐鼓雲起雪飛歌一聲而酒一  
盃舞一曲而人一醉詩以言志思吟湛露之篇樂以  
忘憂慙運臨汾之筆

九達長安道三陽別館春還將聽朝暇迴作豫遊辰  
不戰要荒服無刑禮樂新合酺卑土宇歡宴接群臣  
玉笋飛千日瓊筵薦八珍舞衣雲曳影歌扇月開輪  
伐鼓魚龍雜撞鍾角觝陳曲終醉興晚須有醉歸人



奉和春中興慶宮醮宴

應制

千齡逢啓聖萬域共來威慶接郊禋後醮承農事希  
御樓橫廣路天樂下重闈鸞鳳調歌曲虹霓動舞衣  
合聲雲上聚連步月中歸物覩恩無外神和道入微  
鎬京陪樂飲栢殿奉文飛徒竭秋螢影何資春日暉  
奉晚宴兩相及禮官麗正學上御製

并序

朕以薄德祗膺歷數正天柱之將傾紉地維之已絕  
故得承奉宗廟垂拱巖廊居海內之尊處域中之大  
然後祖述堯典憲章禹績敦睦九族會同四海猶恐  
蒸黎未乂徃戍未安禮樂之政虧師儒之道喪乃命

使者衣綉服行郡縣因人所利擇其可勞所以便億  
兆也乃命將士環介冑矢石審山川之向背應歲月  
之孤虛所以靜邊陲也乃命禮官考制度稽典則序  
文昭武穆享天地神祇所以申嚴潔也乃命學者繕  
落簡緝遺編纂會璧之文章綴秦坑之煨燼所以修  
文教也故能使流寓返枌榆之業戎狄稱藩屏之臣  
神祇歆其禋祀庠序闡其經術既家六合時巡兩京  
函秦則委輸斯遠禹邑則朝宗所利封畿四塞從來  
測景之都城闕千門自昔交風之地陰陽代謝日月  
相推豈可使春色虛捐韶華坐歇乃置旨酒命英賢



有文苑之高才有掖垣之良佐舉盃稱慶何樂如之  
同吟湛露之篇宜振凌雲之藻于時歲在乙丑開元  
十三年三月二十七日 探得風字

乾道運無窮恒將人代工陰陽調曆象禮樂報玄穹  
介胃清荒外衣冠佐域中言談延國輔詞賦引文雄  
野霽伊川綠刻明華樹紅冕旒多暇景詩酒會春風

侍宴探得開字

聖政惟稽古賓門引上才坊因購書立殿為集賢開  
旄彥星辰下仙章日月迴字如龍負出韻是鳳銜來  
庭柳餘春駐宮櫻早夏催喜承芸閣宴幸捧栢梁杯

夏首花萼樓觀郡臣寧玉山亭宴迴樓下又

申之以賞樂賦詩

并詩

御製

萬物莫不氣兆乎上而形視乎下鐵石異品雲蒸並  
濕草木無心春來咸喜故聖人弘道先王法天酒星  
主獻疇之義需卦陳飲食之象近命群官欣時樂宴  
盡九春之麗景匝三旬之暇日暢飲桂山掉歌沁水  
醇以養德味以平心本將導達陽和勳成長育亦朝  
廷多慶軍國餘閑者也前月之晦細風飄雨繁絃中  
止列席半醉佳辰易失絕興難追良可惋也今年帶  
閏節候全晚暑氣猶清芳草未歇中布雅意復叙初



遊披樂善之邸坐忘憂之觀東郊跬步南山在目足  
以締夏首之新賞補春餘之隆歡朕登覽上宮俯臨  
長陌暢衆心之怡虞權歸騎之逶迤鼓之以瑟琴宥  
之以筐篚衢樽意洽場藿思留賦我有嘉賓之詩奏  
君臣相悅之樂踟躕西日吟翫乘風不知哀情發於  
翰墨也

今年通閏月八夏展春輝樓上風花晚城隅宴賞歸  
九歌揚政要六舞散朝衣天喜時相合人知事不違  
禮中推意厚樂處感心微別賞陽臺樂前旬暮雨飛

奉和花萼樓下宴

萬心翹樂宴三舍緩昌時山接夏雲險臺留春日遲  
節移芳未歇興悃賞仍追醉後傳嘉惠樓前舞聖慈  
皇恩與時合天意若人期故廢前旬雨新墜湛露詞

端午三殿宴群臣

并序

御製

律中蕤賓獻疇之象著火在盛德文明之義輝故以  
式宴陳詩上和下暢者也朕宵夜肝食緝聲教於萬  
方卜戰行師揔兵鈐於四海勤貪日給憂忘心勞聞  
蟬聲而悞物變見槿花而驚候改所賴濟濟朝廷視  
成鷓鴣桓桓邊塞責辦熊羆喜麥秋之有登玩梅夏  
之無事時雨近霽西郊霽靡而一色炎雲作峯南山



嵯峨而異勢正當召儒雅宴高明廣殿肅而清氣生  
列樹深而長風至厨人嘗散熟之饌酒正行陶暑之  
飲庖捐惡鳥俎獻肥龜新筒裹練香蘆角黍恭儉之  
儀有序慈惠之意溥洽諷味堯老致息心於真妙抑  
揚游夏滌煩想於詩書超然玄覽自足為樂何止栢  
枕挑門驗方術於經紀綵花命縷觀問遣於風俗感  
婆娑於孝女憫枯槁之忠臣而已哉嘆節氣之循環  
美君臣之相樂凡百在會咸可賦詩五言紀其日端  
七韻成其火數豈獨漢武之殿盛朝士之連章魏文  
之臺壯辭人之並作云爾

五月符天數五音調夏鈞舊來傳五日無事不稱神  
穴枕通靈氣長絲命續人五時花競巧九子較爭新  
方殿臨華節員官宴雅臣進對一言重道文六義陳  
股肱良足詠風化可還淳

端午三殿侍宴

探得魚字應制

小暑夏絃應微陰商管初頽齊長命縷來續大恩餘  
三殿褰珠箔群官上玉墀助陽嘗委蕤順節進龜魚  
甘露垂天酒芝花捧御書合丹同堰堦灰骨共蟾蜍  
今日傷蛇意銜珠遂闔如

千秋節宴

并序

御製



令節肇開情無感慶率題八韻以示群臣  
蘭殿千秋節稱君萬壽觴風傳率土慶日表繼天祥  
玉宇開花萼金懸動會昌衣冠白鷺下奕幕翠雲長  
獻遺成新俗朝儀入舊章月銜花綬鏡露綴綵絲囊  
慶慶祠田祖年年宴杖屨深思一德事小獲萬人康  
應制和千秋節

五德生王者千齡啓聖人赤光來照夜黃雲上覆晨  
海縣御恩久朝章獻壽新高居帝座出夾道衆官陳  
藥杖洗清景管疑秋是珠囊含瑞露金鏡抱仙輪  
何歲無鄉飲何田不報神薰歌與名節傳代幸群臣

奉和賜王公千秋鏡

應制

寶鏡頒神節凝規寫聖情千秋題作字長綬帶為名  
月向天邊下花從日裏生不承懸象意誰辨照心明  
千秋節賜群臣鏡

御製

鑄得千秋鏡光生百鍊金分將賜群后遇象見清心  
臺上水華澈窓中月影臨更銜長綬帶留意感人深







